

Hanuman Chalisa PDF Marathi | श्री हनुमान चालीसा

संकटमोचन श्री हनुमान चालिसा जी आपले सर्व दुःख दारिद्र दूर करेल सर्व दुःख दूर करून सुख-समृद्धी प्रदान करते (Hanuman Chalisa)

॥ दोहा ॥

श्री गुरु चरन सरोज रज, निज मन मुकुरु सुधारि ।
बरनौ रघुबर बिमल जसु, जो दायक फल चारि ॥
बुद्धिहीन तनु जानिके , सुमिरौ पवन कुमार ।
बल बुद्धि विद्या देहु मोहि, हरहु कलेश विकार ॥

॥ चौपाई ॥

जय हनुमान ज्ञान गुन सागर ।
जय कपीस तिहु लोक उजागर ॥1
रामदूत अतुलित बल धामा ।
अंजनि पुत्र पवन सुत नामा ॥2
महावीर विक्रम बजरंगी ।
कुमति निवार सुमति के संगी ॥3
कंचन बरन बिराज सुवेसा ।
कानन कुण्डल कुंचित केसा ॥4
हाथ बज्र और ध्वजा बिराजै ।
कांधे मूंज जनेऊ साजै ॥5
शंकर सुवन केसरी नन्दन ।
तेज प्रताप महा जग बन्दन ॥6
विद्यावान गुनी अति चातुर ।
राम काज करिबे को आतुर ॥7

प्रभु चरित्र सुनिबे को रसिया ।
राम लखन सीता मन बसिया ॥8
सूक्ष्म रूप धरि सियहिं दिखावा ।
विकट रूप धरि लंक जरावा ॥9
भीम रूप धरि असुर संहारे ।
रामचंद्र जी के काज संवारे ॥10
लाय संजीवन लखन जियाये ।
श्री रघुबीर हरषि उर लाये ॥11
रघुपती किन्हीं बहुत बडाई ।
तुम मम प्रिय भरतहि सम भाई ॥12
सहस्र बदन तुम्हरो यस गावै ।
अस कहि श्रीपति कंठ लगावै ॥13
सनकादिक ब्रह्मादि मुनिसा ।
नारद सारद सहित अहीसा ॥14
जम कुबेर दिकपाल जहां ते ।
कवि कोविद कहि सके कहां ते ॥15
तुम उपकार सुग्रीवहिं कीन्हा ।
राम मिलाय राज पद दीन्हा ॥16
तुम्हरो मन्त्र विभीषण माना ।
लंकेश्वर भये सब जग जाना ॥17
जुग सहस्र योजन पार भानू ।
लील्यो ताहि मधुर फल जानू ॥18
प्रभू मुद्रिका मेलि मुख माहीं ।
जलधि लांघि गये अचरज नाहीं ॥19
दुर्गम काज जगत के जेते ।
सुगमानुग्रह तुम्हरे तेते ॥20

राम दुआरे तुम रखवारे ।
होत न आज्ञा बिनु पैसारे ॥21
सब सुख लहै तुम्हारी सरना ।
तुम रक्षक काहु को डरना ॥22
आपन तेज सम्हारो आपै ।
तीनहु लोक हांक ते कांपै ॥23
भूत पिशाच निकट नहिं आवै ।
महावीर जब नाम सुनावै ॥24
नासे रोग हरे सब पीरा ।
जपत निरंतर हनुमत वीरा ॥25
संकट ते हनुमान छुडावै ।
मन क्रम बचन ध्यान जो लावै ॥26
सब पार राम तपस्वी राजा ।
तिनके काज सकल तुम साजा ॥27
और मनोरथ जो कोई लावै ।
सोई अमित जीवन फल पावै ॥28
चारों जुग परताप तुम्हारा ।
है परसिद्ध जगत उजियारा ॥29
साधु संत के तुम रखवारे ।
असुर निकंदन राम दुलारे ॥30
अष्ट सिद्धि नव निधि के दाता ।
अस वर दीन जानकी माता ॥31
राम रसायन तुम्हरे पास ।
सदा रहो रघुपति के दासा ॥32
तुम्हरे भजन राम को पावै ।
जनम जनम के दुख बिसरावै ॥33

अन्तकाल रघुबर पुर जाई ।
जहां जन्म हरि भक्त कहाई ॥34
और देवता चित्त न धरई ।
हनुमत सेई सर्व सुख करई ॥35
संकट कटे मिटे सब पीरा ।
जो सुमिरे हनुमत बलबीरा ॥36
जय जय जय हनुमान गोसाई ।
कृपा करहु गुरु देव की नाई ॥37
जो शत बार पाठ कर कोई ।
छूटहिं बंदि महा सुख होई ॥38
जो यह पढे हनुमान चालीसा ।
होय सिद्धि साखी गौरीसा ॥39
तुलसीदास सदा हरि चेरा ।
कीजै नाथ हृदय मंह डेरा ॥40

॥ दोहा ॥

पवन तनय संकट हरन, मंगल मूरति रूप ।
राम लखन सीता सहित, हृदय बसहु सुर भूप ॥

॥ जय-घोष ॥

बोल बजरंगबली की जय ।
पवन पुत्र हनुमान की जय ॥

Visit For More : - <https://marathiveda.in/>